



EDISI PERTAMA

MAC 2005

PERCUMA

KOPERASI KOSPETA SEMENANJUNG MALAYSIA BERHAD



DARI MEJA KETUA PENGARANG

Setelah sekian lama pihak KOSPETA tidak dapat memberikan maklumat kepada Anggota-anggota kita yang setia, maka kita sekali lagi melalui buletin ini suka-cita menyampaikan maklumat yang dapat dikumpulkan sebelum kita menghadapi Mesyuarat Agung Perwakilan kita yang telah dijadualkan pada bulan Jun ini di Kuala Lumpur. Mudah-mudahan dengan adanya maklumat ini, anggota sekalian dapat diberitahu tentang apa yang berlaku dan juga rancangan masa depan kita.

Kita telahpun melepassi usia 21 tahun tetapi tahap keanggotaan kita masih lagi tahap 1,000 daripada hampir sejumlah 50,000.00 pekerja Pihak Berkuasa Tempatan, Alam Flora, Southern Waste Management, Indah Water Konsortium di seluruh Negara. Pelbagai usaha telah dilakukan untuk menambah jumlah keanggotaan, tetapi tidak banyak memberikan impak, bahkan apabila terdapat penambahan ada pula yang berhenti, bersara dan tidak kurang yang meninggal dunia pula.

Dari segi kemudahan dan bantuan KOSPETA telah dapat memberikan pelbagai jenis pinjaman dan bantuan bagi meringankan beban yang dihadapi oleh anggota atau pun memberikan galakan kepada anggota dan keluarga apabila mereka memerlukan.

Pihak Anggota Lembaga di dalam mesyuaratnya sentiasa meluangkan masa bagi memikirkan apakah bantuan dan kebajikan yang dapat diberikan kepada setiap anggota di mana juga mereka berada.

Bagi tahun 2005 ini kami merancang untuk bergerak bersama-sama dengan setiap anggota KOSPETA untuk berkempen bagi menambah keanggotaan KOSPETA sebanyak mana yang boleh. Jika usaha ini dijalankan oleh setiap anggota untuk mendapat anggota baru. Marilah kita sama-sama berusaha agar kempen ini dapat mencapai matlamatnya dan ini bukan sahaja memanfaatkan KOSPETA bahkan yang paling beruntung ialah anggota sendiri.

Oleh yang demikian, besarlah harapan Jawatankuasa ini agar setiap anggota memberikan sokongan dan kerjasama untuk menjayakan rancangan ini.

Akhir kata kami mengucapkan Selamat Tahun Baru serta aman dan makmur.

**Haji Abu Hassan bin Haji Abdullah BKT, PJK, PPN
Ketua Pengarang**

LAWATAN BERKURSUS DI PULAU LANGKAWI



Seramai lebih kurang 36 orang ahli WANITA kospeta dari kawasan DBKL, Kota Star, MPPJ dan Kota Kandang Kedah telah menghadiri kursus pengurusan dan pentadbiran koperasi selama 3 hari 2 malam di Grand Continental Pulau Langkawi Kedah pada 20 hingga 22 Mei 2004 anjuran Jabatan Pembangunan Koperasi Negara.

Lawatan sambil berkursus ini telah diatur oleh Puan Mariah Ahmad, Ahli Lembaga Wanita Kospeta dengan usahasama Puan Norsham Abu Samah dari kawasan DBKL dan Puan Umi Kalsom dari kawasan Alor Star.

Faedah-faedah yang telah diperolehi semasa lawatan tersebut adalah seperti berikut:

- ❖ Selepas saja tamat kursus, Puan Mariah Ahmad berkesempatan memberi taklimat ringkas mengenai Kospeta dan berkempen supaya setiap peserta mengajak 2 rakan-rakan mereka untuk menjadi ahli baru Kospeta.
- ❖ Pemergian peserta dari kawasan DBKL dan MPPJ ke Pulau Langkawi adalah dengan menaiki Kapal Terbang ekonomi kerana memberi peluang kepada mereka yang tidak pernah menaikinya.
- ❖ Memberi peluang berkenal-kenalan dan mencari idea-idea baru antara peserta dari jauh dan dekat semasa berkursus dan menginap di Hotel.
- ❖ Peserta dapat melegakan tekanan bekerja seharian di samping berpeluang melancong dan membeli belah.
- ❖ Sebagai satu cara tarikan menambah ahli terutama kaum wanita yang belum menjadi ahli.

Sekembali berkursus, peserta-peserta yang menaiki bas pelancong telah dijamu makan tengah hari oleh Encik Pissal, salah seorang Ahli Lembaga Kospeta yang tinggal di Kota Setar sebelum peserta ke Pekan Rabu untuk membeli belah.

Rata-rata peserta merasa seronok diberi peluang berkursus dan melawat Pulau Langkawi dan amat berharap peluang seumpama itu dapat diperolehi di masa akan datang!

BERITA BAIK

Tahniah !!! Anda dan juga keluarga tersayang kini diberi keistimewaan untuk menyertai skim insurans berkumpulan yang komprehensif - IKHTIARI

Pernahkan anda terfikir apa yang akan terjadi sekiranya anda yang merupakan dahan tempat bergantung untuk keluarga anda ditimpas sesuatu malapetaka. Siapakah yang sanggup menderma wang ringgit yang banyak untuk membantu insan biasa seperti kita. Penyakit dan kematian adalah lumrah hidup yang tidak dapat dielak namun perancangan hari ini mampu mengurangkan kesengsaraan di masa hadapan. Skim **IKHTIARI** dapat memberikan ahli-ahli jaminan kewangan sekiranya menghadapi salah satu daripada 36 jenis penyakit kritikal. Ini membolehkan anda dan juga keluarga tersayang mendapatkan rawatan perubatan yang terbaik. Pampasan juga akan diberi kepada keluarga anda sekiranya sebarang kecelakaan berlaku kepada anda. Di samping itu **IKHTIARI** juga dapat memastikan adanya tabungan untuk hari tua.

Caruman yang rendah beserta manfaat yang amat luas ini tidak mungkin diperolehi dengan membeli polisi secara individu. Masanya telah tiba untuk anda, suami/isteri serta anak-anak anda menikmati segala keistimewaan yang ditawarkan. Daftarkanlah sekarang untuk menyertai pakej komprehensif **IKHTIARI**.

Jangan lepaskan peluang keemasan ini!!!

Yang Ikhlas,

Tuan Haji Zainal Abidin bin Haji Muhamad
Pengerusi

IKHTIARI
SKIM ANSURAN
BERKELOMPOK

PERLINDUNGAN	CARUMAN BULANAN RM 20		
Penyakit Kritikal	RM 20,000 + TT		
Kematian	RM 20,000 + TT RM 40,000 + TT		
Hilang Upaya Total & Kekal	RM 20,000 + TT RM 40,000 + TT		
Khairat Kematian	RM 2,000		
Kemasukan Hospital	RM 20 / semalam		
TABUNG TERKUMPUL		PULANGAN	
Umur Sekarang	Tempoh Caruman	Nilai Caruman	Nilai Tabungan
20	35	8400	17556
25	30	7200	11664
30	25	6000	7560
35	20	4800	4896
40	15	3600	2988
45	10	2400	1752
50	5	1200	768

MCIS ZURICH IKHTIARI - pakej ISTIMEWA !!!

- Premium yang sama untuk semua peserta.
- Nilai Penyerahan selepas 12 bulan polisi berkuatkuasa.
- Kemudahan pengeluaran sehingga 70% nilai tabungan (jika ada) selepas 5 tahun penyertaan.

JANGAN LEPASKAN PELUANG INI !!!
TERBUKA KEPADA
SEMUA AHLI KOPERASI
KOSPETA SEMENANJUNG MALAYSIA

36 PENYAKIT KRITIKAL YANG DILINDUNGI



1. Serangan Jantung (Infarksi Miokardium)
2. Strok
3. Kanser
4. Pembedahan Lencongan Arteri Koronari
5. Kegagalan Buah Pinggang
6. Pemindahan Major Organ
7. Pembedahan Injap Jantung
8. Pembedahan Aorta
9. Luka Terbakar Major
10. Kelumpuhan (Paraplegia / Hemiplegia / Quadraplegia)
11. Buta
12. Kepekakan
13. Hilang Pertuturan
14. Koma
15. Penyakit Paru-Paru Kronik
16. Penyakit Fulminate Viral
17. Penyakit parkinson
18. Penyakit Alzheimer
19. Sklerosis Berbilang
20. Penyakit Motor Neuron
21. Distrofi Otot
22. Poliomyelitis
23. Hipertensi Pulmonari
24. Ketumbuhan Otak Benign
25. Penyakit Terminal
26. HIV melalui Transfusi Darah
27. Kerosakan Otak Disebabkan Trauma
28. Kardiomiopati
29. Pembedahan Otak
30. Penyakit Hati Kronik
31. Anaemia Aplastik
32. Meningitis Bakteria
33. Ensefalitis
34. Sindrom Appalik
35. Penyakit Medulari Sistik
36. Sistem Lupus Erythematosus

PEKERJA RAKYAT ASING

Pekerja Rakyat Asing dibenarkan menyertai skim istimewa ini dengan syarat-syarat berikut:

- ❖ Telah bekerja sekurang-kurangnya 1 tahun
- ❖ Dikehendaki menamatkan / menyerahkan Polisi sebelum meninggalkan Malaysia.
- ❖ Tiada perlindungan ketika bercuti di luar negara Malaysia.
- ❖ Tiada perlindungan untuk pasangan dan anak-anak.

PENGECUALIAN SKIM


1. Kematian / Hilang Upaya berpunca dari / akibat:
 - a. Sebarang percubaan dengan niat mencederakan diri sendiri sama ada dalam keadaan siuman atau tidak siuman.
 - b. Kedeceraan tubuh badan yang dialami semasa dalam penerbangan mana-mana pesawat yang tidak mengikut jadual penerbangan secara regular.
 - c. Perperangan sama ada diisytiharkan atau tidak.
 - d. Serangan kemarahan yang dibangkitkan, ketagihan dadah, sebarang bentuk perlumbaan (selain daripada menggunakan kaki), selam scuba, memburu.
2. Penyakit Kritikal yang:
 - a. Dihadapi sebelum tarikh perlindungan berkuatkuasa
 - b. Didiagnosiskan dalam tempoh 60 hari dari tarikh potongan gaji.

MANFAAT SKIM

50% daripada jumlah manfaat akan dibayar sekiranya kematian / Hilang upaya Total & Kekal akibat penyakit sediada dalam dua tahun pertama perlindungan berkuat kuasa.


SYARAT PENYERTAAN KANAK-KANAK

1. Umur minima adalah 30 hari sehingga 19 atau 23 tahun sekiranya penuntut sepenuh masa.



Notis Penting:

1. Mengikut Seksyen 186(2) Akta Insurans 1996, Penyelaras Koperasi di sini menyatakan bahawa mereka akan menerima sebanyak 2% daripada jumlah keseluruhan premium sebagai yuran perkhidmatan.



Sebarang pertanyaan boleh diajukan kepada:

MCIS ZURICH INSURANCE BHD
Di talian

03-76523724

MCIS ZURICH IKHTIARI
PILIHAN TERBAIK

Pelbagai Kemudahan Yang Ada Pada Koperasi KOSPETA

Sambungan dari berita yang sama diterbitan kedua pada bulan Mei, 2004, terbitan kali ini dimuatkan satu lagi kemudahan terakhir sehingga kini yang diluluskan oleh mesyuarat Agung Perwakilan Ke 22 pada 20 Jun, 2004 di Kuantan, Pahang Darul Makmur.

Kemudahan pinjaman ialah untuk 5 perayaan utama keagamaan iaitu Perayaan Deepavali, Hari Raya Puasa, Haji Raya Haji, Tahun Baru Cina dan Krismas.

Sebagai permulaan beritanya belum begitu meluas, sekadar anggota-anggota dari sekitar Lembah Klang dan beberapa kawasan lain. Namun demikian bagi tempoh bulan November dan Disember, 2004 untuk Perayaan Deepavali, Hari Raya Puasa dan Krismas jumlahnya adalah RM446,400.00. Tahun-tahun akan datang sudah pasti jumlahnya akan bertambah dan terus bertambah.

1. Usul-usul yang Diluluskan oleh Mesyuarat Agung Perwakilan Koperasi Ke 22

Sebagai sebuah Koperasi yang bebas membuat apa sahaja usul dan cadangan yang boleh memberi faedah kepada anggota-anggotanya, maka mulai peperiksaan yang diambil oleh anak-anak anggota dalam tahun 2003 kedua-dua ibu dan bapa yang menganggotai Koperasi ini boleh membuat tuntutan dermasiswa mengikut syarat yang telah ditetapkan.

Sebagai lazimnya kesemua permohonan hendaklah dibuat dalam tempoh dua bulan mulai tarikh pengumuman setiap keputusan peperiksaan.

2. Pinjaman IPTA/IPTS pada Peringkat Ijazah Sarjana Muda:

Satu lagi kemudahan yang diluluskan ialah untuk pinjaman melanjutkan pelajaran sehingga ke Ijazah Sarjana Muda sebanyak RM5,000.00 dengan tempoh bayaran balik selama 46 bulan dengan lain-lain syarat pinjaman sedia ada.

Anggota-Anggota Lembaga Koperasi Kospeta Semenanjung Malaysia Berhad

BIL.	NAMA	JAWATAN
1.	Sdra Hj. Zainal Abidin bin Hj. Muhamad, PPN, PCK	Pengerusi
2.	Sdra Mohd. Faizi bin Hj. Aznam	Setiausaha
3.	Sdra Hj. Mohamed @ Wahi bin Ismail, AMN	Bendahari
4.	Sdra Md. Akhir bin Manshor, PPN, PJK	A / Lembaga
5.	Sdra Pissal bin Abu, PJK	A / Lembaga
6.	Sdra Hj. Abu Hassan bin Hj. Abdullah, BKT, PPN, PJK	A / Lembaga
7.	Sdra azih bin Muda, PJK	A / Lembaga
8.	Sdra Hj. Ibrahim bin Talib, PPN	A / Lembaga
9.	Sdri Mariah binti Ahmad	A / Lembaga
10.	Sdra Hj. Md. Razalli bin Adam	A / Lembaga
11.	Sdra Hj. Mohd. Nor Afandi bin Abd. Aziz, AMP	A / Lembaga
12.	Sdra Abd. Rahim bin Mahad, AMN, PMC, PJK	A / Lembaga



Taklimat oleh Bank Rakyat dengan Jawatankuasa Kewangan Koperasi mengenai kemudahan pinjaman secara Islam Pejabat Koperasi pada Jumaat, 17 Disember, 2004.

KEMPEN MENAMBAH AHLI KOSPETA KAWASAN DBKL

Sepanjang tahun 2004, beberapa tindakan telah dijalankan di dalam usaha menambah ahli Kospeta. Di antaranya :



Pada 23.4.2004 En. Faizi, Pengurus Kospeta dan Pn. Mariah Ahmad telah turun padang mengadakan kempen menarik ahli di Jabatan Perlesenan Bangunan Wawasan DBKL dengan dihadiri oleh Bendahari Kospeta - En. Mohd. Wahi. Seramai 40 orang telah berjaya menjadi ahli baru Kospeta.



LAWATAN SAMBIL BELAJAR KE BANGKOK / PATAYA DAN KANCHANABURI, THAILAND

Jawatankuasa 3 P Koperasi Kospeta telah berjaya menganjurkan Lawatan ke Bangkok / Pataya dan Kachanaburi selama 6 hari 5 malam mulai 02 hingga 07/10/2004. Seramai 49 orang peserta terdiri daripada peserta-peserta DBKL, MBAS dan Batu Pahat, Johor menyertai lawatan ini.

Sdr. Pissal bin Abu selaku Setiausaha 3 P telah dilantik Ketua Rombongan dan manakala Sdr. Mohd. Faizi bin Haji Aznam Setiausaha Koperasi sebagai pembantunya.

Perjalanan yang memakan masa selama 14 jam dengan menaiki BAS dua tingkat dari Pekan Danok ke Kachanaburi cukup menyeronokan di samping dapat melihat keindahan Bandar serta kampung-kampung tradisional di kalangan masyarakat Thai dalam.

Sesampainya rombongan ini di Bandar Caam, Wilayah Kachanaburi selepas solat subuh dan makan pagi peserta-peserta dibawa ke Pasar di atas rakit / perahu yang mana terdapat ramai peniaga-peniaga menjual hasil tanaman dan keluaran kepada masyarakat tempatan dan kepada pelancong dengan menggunakan rakit / perahu di dalam sungai.

Kemudian peserta rombongan dibawa ke restoran untuk makan tengahari dan selepas itu dibawa membeli batu permata dan cincin, sebelum para peserta bertolak ke Jambatan Keretapi Maut yang mana terdapat ramai rakyat Malaysia yang telah meninggal dunia di situ semasa perang dunia kedua.

Selepas itu peserta-peserta dibawa ke tempat penginapan di atas rakit (Kapal) semasa berada di atas rakit aktiviti gotong royong memasak untuk jamuan makan malam secara beramai-ramai diadakan. Peserta-peserta terhibur semasa menikmati hidangan makan malam dengan diiringi persembahan.

GAMBAR PESERTA-PESERTA YANG MENYERTAI LAWATAN



Perjalanan seterusnya keesokan selpas makan pagi terus ke Bangkok sebelum check in di Hotel Chelana peserta dibawa melawat ke kilang batu permata di tengah-tengah Bandar Bangkok dan seterusnya di malam hari selepas makan malam aktiviti bebas.



Daripada Bandar Bangkok ke Pataya memakan masa selama 3 jam sebelum sampai di Bandar Pataya, peserta-peserta dibawa berkunjung ke Zon untuk melihat binatang-binatang peliharaan serta persembahan binatang.

Pelancong di Pataya cukup ramai dan Kedai makanan Islam di Bandar Pataya tidak banyak, dan tiada pilihan namun begitu ianya dapat menampung permintaan daripada pelancong-pelancong Islam. Aktiviti di sana selepas makan malam juga bebas.

Sepanjang perjalanan rombongan ini telah diberi taklimat oleh Pemandu Pelancong iaitu Encik Yahya yang dikenali sebagai PAK YA. Celoteh beliau menyebabkan para peserta berketawa dan merasa senang dengan beliau malah beliau dapat menghidupkan suasana kekeluargaan di kalangan peserta-peserta yang menyertai lawatan ini.

Sememangnya Pengalaman yang diperolehi sepanjang tempoh perjalanan selama 6 hari 5 malam bersama dengan agensi Asuren tours cukup berjaya.

GAMBAR RAKIT / KAPAL





**SEKITAR MESYUARAT AGUNG
KOPERASI KOSPETA SEMENANJUNG MALAYSIA BERHAD
KALI KE 21 PADA 20/06/2004,
DI KUANTAN, PAHANG.**



PERASMIAN DI KUANTAN, PAHANG



ENCIK ZAINOL ABIDIN BIN HJ. MOHAMAD
PENGURUSI KOPERASI KOSPETA



AHLI-AHLI LEMBAGA PENGARAH



SALAH SEORANG PERWAKILAN SEDANG
BERUCAP



PERWAKILAN WANITA SEDANG
MENJAMU SELERA



PENGURUSI BERSAMA ANGGOTA
KOPERASI KAWASAN BALING



ANGGOTA-ANGGOTA MELAPOR DIRI



URUSNIAGA KOMPUTER DAN
HANDPHONE



PENCATAT MINIT





JURU AUDIT DALAMAN

PENYERAHAN CEK DERMA KEMATIAN
KOPERASI KOSPETA SEMENANJUNG MALAYSIA BHD
KAWASAN MAJLIS BANDARAYA ALOR SETAR
PADA 28/12/2004



Penyerahan cek derma kematian Koperasi Kospeta oleh Puan Rozaina binti Dato' Paduka Haji Radzi kepada adik Siti Nurfadillah binti Izhar anak kepada Allahyaharmah Puan Rokiab binti Ismail sebanyak RM9,834.00 dengan disaksikan sendiri oleh bapanya Encik Izhar bin Abd. Hamid di bilik Puan setiausaha, Majlis Bandaraya Alor Setar.

PENYERAHAN CEK DERMA KEMATIAN
KOPERASI KOSPETA SEMENANJUNG MALAYSIA BHD
KAWASAN MAJLIS BANDARAYA ALOR SETAR
PADA 04/01/2005



Penyerahan cek derma kematian Koperasi Kospeta oleh Puan Rozaina binti Dato' Paduka Haji Radzi kepada Puan Habsah binti Hamid (isteri) dan adik Mohd. Hamizi bin Mohd. Redzuan (anak) Allahyarham Encik Mohd. Redzuan bin Bakar sebanyak RM3,827.00 setiap seorang di bilik Puan setiausaha, Majlis Bandaraya Alor Setar.

WANITA KERJAYA

PENGORBANAN WANITA KERJAYA

1. Sanggup berkongsi pendapatan dan ilmu.
2. Sanggup berusaha 2 kali ganda dari kaum lelaki.
3. Meninggalkan anak atau dalam jagaan orang lain ketika bekerja.
4. Tidak berehat ketika hujung minggu kerana membuat kerja rumah.
5. Menghadkan masa dan kepentingan diri.
6. Meninggalkan rumah dalam risiko jagaan orang gaji.
7. Dimadu jika terdesak. (Bagi yang selalu outstation)

GANGGUAN WANITA KERJAYA

1. Suami ambil kesempatan lepas tanggungjawab.
2. Diskriminasi di tempat kerja.
3. Gangguan seksual.
4. Kesihatan dan keselamatan ahli keluarga terjejas.
5. Suami yang curang.
6. Suasana dan rakan sepejabat yang tidak menyenangkan.
7. Gangguan kesihatan diri.

IMPIAN WANITA KERJAYA

1. Sentiasa kelihatan anggun.
2. Dihargai oleh semua pihak.
3. Mempunyai suami yang bertimbangrasa dan bertanggungjawab.
4. Mempunyai anak-anak yang mendengar nasihat.
5. Mempunyai rakan-rakan yang boleh membantu dan dipercayai.
6. Berpeluang melancong dan meningkatkan ilmu.
7. Berpeluang membuat kerja-kerja kemasyarakatan.
8. Berpeluang menambah ekonomi / pendapatan.
9. Dapat memuaskan semua pihak.

Sahabatku
Asslamualaikum !

Kenangan BerUmrah dan Ziarah (21/8/04 - 02/09/04)

Alhamdulillah bersyukur saya kehadrat Allah Taala yang telah mengizinkan saya menjadi tetamunya menunaikan umrah dengan layanan yang istimewa sekali bagi saya. Walaupun ia hanya merupakan satu ibadah kecil jika dibandingkan dengan ibadah haji, tetapi saya merasakan sungguh terharu sekali kerana Allah telah memberi peluang kepada saya mencapai cita-cita mengucup Hajar Aswad, berdoa & bersembahyang di Multazam, di Hijir Ismail dan Makam Ibrahim semasa berada di Kaabah, Mekah. Inilah yang telah saya cita-citakan sepanjang hidup saya selama ini!

Di Madinah sekali lagi saya bersyukur kerana Allah telah mengizinkan tetamunya yang kerdil ini melawat Makam Rasullullah dan 2 orang para sahabat di rumah kedua tersuciya iaitu di Masjid Nabawi, malah diberi kesempatan bersembahyang di Raudhah iaitu "Taman SyurgaNya".

Mungkin bagi mereka yang belum pernah ke sana menganggap perkara ini sangat mudah tetapi bagi sesiapa yang telah ke sana mungkin lebih faham betapa ramainya pengunjung 24 jam yang tidak henti-henti menziarah, berUmrah dan menunaikan haji sepanjang tahun. Kadang-kadang terpaksa berasak-asak untuk melakukan tawaf Kaabah, berSai', bersembahyang dsbnya. Ramai yang telah beberapa kali datang tetapi tidak berpeluang walaupun untuk mencium Hajar Asward.

Menziarah tempat-tempat bersejarah seperti tanah perkuburan para syuhada' di Baqi', Masjid-masjid Quba dan Tujuh, keguna Hiro', menaiki bukit Uhud dan Jabar Rahmah serta melawat padang Arafah, tempat melontar dan Mudzalifah, adalah di antara kesempatan yang diberi dan yang penuh bermakna bagi saya.

Walaupun masa berumrah dan berziarah telah berlalu, masih teringat-ingat lagi betapa syahdunya tetekala memandang rumah suci Allah iaitu Kaabah. Masih terngiang-ngiang panggilan bunyi azan berkumandang di Masjidil Haram dan Masjid Nabawi. Suara Imam mengetuai para jemaah bersembahyang telah menggegarkan hati dan telah menitiskan air mata. Mudah-mudahan Allah menerima ibadahku!

Wahai Allah, tidak akan ku lupa ziarahku kedua-dua rumah suci! Aku berharap dengan izinmu juga dapat pula menunaikan haji dan seterusnya dapat menziarah Masjidmu yang ketiga suci iaitu Masjidil Al Aqsa di palestin ketika aman di masa-masa akan datang.

Akhir sekali kudoakan agar Engkau mengizinkan rakan-rakanku yang lain untuk menyusul menjadi tetamu yang dimuliakan, Amin!



Mariah Ahmad

PADA MATA KACA MATA URUSETIA MENGENAI PEMBERIAN DERMASISWA						
<i>Setiap kali terbitan Berita KOSPETA ada dimuatkan berita ringkas mengenai pemberian dermasiswa oleh Koperasi KOSPETA. Jumlah peruntukan bagi setiap jenis peperiksaan serta jumlah setiap dermasiswa bagi setahun adalah seperti berikut:-</i>						
1. UPSR	-	100 x RM50.00	=	RM5,000.00		
2. PMR	-	70 x RM100.00	=	RM7,000.00		
3. SPM / SPAM	-	50 x RM150.00	=	RM7,500.00		
4. STPM / STAM	-	30 x RM200.00	=	RM6,000.00		
<i>Semenjak dermasiswa ini dilancarkan mulai tahun 2002, jumlah permohonan bagi setiap jenis peperiksaan yang diluluskan adalah seperti berikut:-</i>						
Tahun	UPSR	PMR	SPM/SPAM	STPM/STAM	Jumlah (RM)	Jumlah Besar (RM)
2002	16	24	12	10	7,000.00	-
2003	14	41	12	10	8,600.00	-
2004	43	57	24	11	13,650.00	29,250.00

*Sambung Ke
Muka Surat*
11

SUDUT URUSETIA

KENAIKAN KADAR BANTUAN KEMATIAN:

Bagi mengenang jasa anggota-anggota lama KOSPETA satu usul mengenai kenaikan kadar bantuan kematian telah diluluskan dalam Mesyuarat Agung Perwakilan yang lalu. Untuk melaksanakan satu pindaan Kecil Aturan-aturan Tabung Khairat Kematian akan dibentangkan di Mesyuarat Agung Perwakilan bagi tahun 2005 ini. Pindaan dan kenaikan yang diubahsuai adalah :-

Tempoh Menjadi Anggota

Lebih dari 168 bulan dan Kurang 216 bulan
Lebih dari 216 bulan dan Kurang 264 bulan
Lebih dari 264 bulan

Kadar Bayaran Sekarang (RM)

8,000.00

8,000.00

Kadar Bayaran Baru (RM)

9,000.00

-

10,000.00

TAMBAHAN IMBOHAN MENDAPAT ANGGOTA BARU

Beberapa kali perjumpaan dan taklimat telah dibuat, namun kemasukan anggota-anggota baru begitu lembab. Bagi menggalakkan wakil-wakil kawasan atau anggota-anggota sendiri memperolehi sedikit wang telah diputuskan mulai. Sesiapa yang membawa masuk anggota-anggota baru akan dibayar imbohan sebanyak RM8.00 bagi seorang anggota, dengan syarat pencari hendaklah menandatangani sebagai pencadang di borang permohonan.

SEBAGAI SATU LANGKAH MENYIMPAN WANG

Pada ketika ini langgan syer setiap anggota adalah sebanyak RM30.00 sebulan, terdapat ramai anggota yang melangan lebih dari RM30.00 dan ada pula yang melangan sehingga RM1,000.00 sebulan.

Kenaikan bayaran modal syer yang terakhir kepada RM30.00 adalah mulai 01.01.2003. Lazimnya berapa banyak pun gaji sukar untuk menyimpan wang.

Justeru itu satu pindaan UUK koperasi akan dibentangkan dalam Mesyuarat Agung Perwakilan tahun ini untuk kenaikan modal syer daripada RM30.00 kepada RM50.00 sebulan. Ada beberapa sebab yang perlu kita lihat:-

1. Potongan tambahan RM20.00 sebulan tidak membebankan, terutama dipotong daripada gaji.
2. Telah beberapa tahun dividen yang dibayar adalah sebanyak 6%.
3. Aliran tunai Koperasi pada ketika ini sangat memerlukan wang modal. Sebagai contoh pinjaman ASB sebanyak RM60,000.00 akan dibayar balik selama 144 bulan (12 tahun). Pinjaman membeli tanah RM100,000.00 dibayar balik selama 180 bulan (15 tahun)
4. Jenis pinjaman semakin bertambah setiap tahun dan yang terakhir ialah Pinjaman Perayaan buat kali pertama sebanyak RM946,400.00 itu pun belum diketahui oleh kesemua anggota-anggota.

Sambung Dari Muka Surat 10


Peperiksaan yang diambil dalam tahun 2004, pembayaran dibuat dalam tahun 2005, jumlah pemohon dari setiap kawasan yang diterima dan telah dibayar adalah seperti berikut:-

Bil	Kawasan	Jumlah UPSR	Bil	Kawasan	Jumlah PMR	
1	Alor Setar	5	1	Alor Setar	3	
2	Sungai Petani	2	2	Sungai Petani	1	
3	Kulim	1	3	Kulim	1	
4	Langkawi	1	4	Kubang Pasu	1	
5	Seberang Perai	2	5	Kerian	1	
6	DBKL (S)	2	6	Tanjung Malim	1	
7	Kajang	1	7	Shah Alam	4	
8	Temerloh	1	8	Kajang	1	
9	Kuala Terengganu	2	9	Ampang Jaya	1	
10	Hulu Terengganu	2	10	DBKL	6	
11	Kota Bharu	2	11	Seremban	2	
12	Tanah Merah	1	12	Tampin	1	
13	Machang	1	13	Jempol	2	
14	SWM Negeri Sembilan	1	14	SWM Jempol	2	
			15	Kluang	1	
			16	Kuantan	2	
			17	Bentong	1	
			18	Kota Bahru	6	
			19	Tanah merah	1	
			20	Bachok	1	
			21	Besut	2	
			Jumlah	24	Jumlah	41



DI ANTARA AKTIVITI YANG DIJALANKAN OLEH JAWATAN TEKNOLOGI MAKLUMAT

Bermesyuarat ke arah penambahbaikan Laman Web Kospeta di bilik mesyuarat Perpustakaan Kuala Lumpur selepas waktu pejabat hunung minggu.



TAKWIM KOSPETA HINGGA JUN 2005

Tarikh	Aktiviti
Jan	Mesyuarat Lembaga koperasi
Feb 9 - 16	Lawatan sambil belajar ke Bangkok
Mac	Seminar di Batu Pahat
Mac	Mesyuarat Lembaga koperasi
April - Mei 05	Mesyuarat Agong kawasan
19 Jun 05	Mesyuarat Agong Perwakilan



Penaung:
Sdra. Hj. Zainal Abidin b. Hj. Muhammad
PCK, PPN



Ketua Pengarang:
Sdra. Hj. Abu Hassan bin Hj. Abdullah
BKT, PJK, PPN



Penolong Ketua Pengarang:
Sdra. Pissal bin Abu PJK



Sdra. Hj. Ibrahim bin Talib PPN

SIDANG EDITOR / PENGARANG



Sdra. Md. Razali b. Adam



Sdra. Hj. Mohd. Wahid



Sdri. Mariah binti Ahmad



PERINGATAN:

Anggota-anggota dipelawa menyumbang penulisan mengenai Koperasi dan aktivitinya untuk terbitan akan datang.

Diterbit oleh:
Berita Koperasi KOSPETA,
No. 10 & 12, Tingkat 1, Jalan 6/3A, KM. 12, Jalan Ipoh,
Pusat Bandar Utara, 68100 Batu Caves, Kuala Lumpur.